

Dragi prijatelji, pred vama se nalazi **avgustovsko** izdanje mjesečnog informativnog Biltena Omladinskog Resursnog Centra (ORC) Tuzla i Omladinske mreže Bosne i Hercegovine.

Bilten izlazi na bosanskom-srpskom-hrvatskom i engleskom jeziku. U njemu se nalaze informacije o aktivnostima Omladinskog Resursnog Centra (ORC) Tuzla, te Omladinske Mreže Bosne i Hercegovine, informacije o mjesečnim aktivnostima omladinskih organizacija i grupa - članica ove mreže, njihovi planovi za naredni period, te ostale korisne informacije (donatori, pozivi na konferencije i seminare, školarine, stipendije...).

Ukoliko želite da budete na mailing listi za naredna izdanja mjesečnog informativnog biltena ili ako imate pitanja ili sugestije, javite nam se. Mjesečni informativni bilten, kao i arhivu dosadašnjih izdanja možete naći i na web stranici Omladinske mreže Bosne i Hercegovine:

<http://www.omladina-bih.net>

Uživajte u čitanju!!

SADRŽAJ

UVOD	2
Aktivnosti u avgustu 2011.	4
Planovi za septembar 2011.	4
Aktivnosti dijela članica mreže	5
Nove članice	22
Informacije/pozivi/seminari	24

• UMJESTO UVODA: KAKO SMO I ZAŠTO POČELI?


U ovom, **sto četrdeset i sedmom** broju Biltena htjeli bismo da podsjetimo starije, a nove članice da upoznamo sa radom, značajem i osnovnim ciljevima Omladinske mreže BiH. Još u maju 1999. godine smo počeli sa izdavanjem mjesečnog Biltena sa ciljem promovisanja i izvještavanja o radu organizacija u Mreži. Bilten izlazi na našem i engleskom jeziku i distribuira se putem e-maila na više od 3.000 adresa lokalnih i međunarodnih organizacija koje rade sa mladima u BiH i inostranstvu. Do prije nekoliko godina smo ga slali i u štampanom izdanju onim omladinskim organizacijama koje nisu imale e-mail adresu, ali kako duže vrijeme na ovom projektu radimo isključivo volonterski, bez ikakvih sredstava - printanu verziju smo morali ukinuti.

Omladinska mreža Bosne i Hercegovine



Prije 14 godina, tačnije u junu i julu 1997. godine na inicijativu hCa -Helsinškog parlamenta građana- (kancelarije u Tuzli i Banja Luci), održana su dva sastanka na kojima je učestvovalo 25 mladih ljudi iz 10 gradova Bosne i Hercegovine. Razgovaralo se o položaju mladih i njihovim potrebama i o nedostatku informacija, kontakata i saradnje između omladinskih organizacija na teritoriji oba entiteta što nas je sve motiviralo na pokretanje projekta Omladinske mreže.

Vjerovali smo da kroz uspostavljanje i jačanje redovnih kontakata i saradnje možemo umanjiti posljedice neprijateljstava, mržnje, nacionalističkih tenzija i uspostavljanju demokratskih temelja našeg društva.



U oktobru 1997. organizovali smo Omladinske susrete u Laktašima, kada je i Omladinska mreža BiH (tadašnji naziv bio je „hCa Omladinska mreža BiH“) zvanično počela sa radom.

Misija OMBiH je ustanovljena na radionici strateškog planiranja 11. – 17. jula 1999. godine:

Omladinska mreža Bosne i Hercegovine je neformalni skup vanstranačkih organizacija, grupa i osoba koje zadovoljavaju potrebe mladih u entitetima, aktivno ih uključujući u izgradnju demokratskih vrijednosti i jačanju civilnog društva.

Želimo ovom prilikom da se zahvalimo onima koji su doprinijeli osnivanju, jačanju i održavanju naše mreže, ljudima i organizacijama bez kojih se Mreža ne bi održala do danas. Navešćemo samo neka od imena osoba koje su svojim nesebičnim zalaganjem dali veliki doprinos razvoju omladinskog sektora u BiH:

Aleksandra Petrić, Miriam Struyk, Lidija Živanović, Emina Babović, Miralem Tursinović, Sanela Pašić, Bojana Trninić, Jasmin Bešić, Boris Kordić, Amir Avdagić, Danijel Dragičević, Haris Halilhodžić, Mirna Dabić, Emir Sejranović, Jelena Maksimović, Jasmin Jašarević, Aleksandar Trifunović, Lučijano Kaluža, Samir Halilović, Edin Mukinović, Boško Vlajić, Vojin Jovanović, Denis Mihić, Zlatko Vasić, Mirko Zečević –Tadić, Samedin Kurtalić, Mulajma Šabić, Dimitrije Dragović, Saša Mandžukić, Samir Halilović, Mirna Dabić, Adela Kovačević, Ermin Hajder, i mnogi, mnogi drugi koji su kroz ovih četrnaest godina prošli kroz mrežu.

S obzirom da se broj članova stalno mijenja, prijavljuju se nove organizacije (nažalost, neke od organizacija su se ugasile) Omladinska mreža Bosne i Hercegovine za sada broji **142** organizacija i **56** pojedinca iz sljedećih mjesta u BiH (**67**, abecednim redom): Banovići, Banja Luka, Bihać, Bijeljina, Bosanska Krupa, Bosanski Novi/Novi Grad, Bratunac, Brčko, Breza, Čelinac, Derventa, Devetak, Doboj, Doboj – istok, Gornji Vakuf/Uskoplje, Gračanica, Gradiška, Gradačac, Goražde, Ilidža, Jablanica, Jajce, Kakanj, Kalesija, Kladanj, Konjic, Kotor Varoš, Laktaši, Livno, Lukavac, Ljubače, Maglaj, Milići, Modriča, Mostar, Mramor, Mrkonjić Grad, Nevesinje, Novi Travnik, Odžak, Olovo, Osmaci, Priboj, Prijedor, Prnjavor, Rogatica, Rudo, Sarajevo, Sanski Most, Skelani, Srbac, Srebrenica, Stjepan Polje, Šekovići, Široki Brijeg, Teslić, Trebinje, Tuzla, Vareš, Visoko, Višegrad, Vlasenica, Zavidovići, Zenica, Zvornik i Živinice.

AKTIVNOSTI hCa/ORC-a U AVGUSTU 2011.

Omladinski resursni centar ORC/hCa Tuzla u mjesecu avgustu je radio na redovnim aktivnostima, te održavanju i razvoju komunikacija i koordinacije unutar Omladinske Mreže Bosne i Hercegovine (www.omladina-bih.net). U okviru toga smo:

- svakodnevno na mejling listu mreže (posta@omladina-bih.net), ali i na druge adrese u Bosni i Hercegovini i regiji distribuirali informacije interesantne za mlade i omladinski aktivizam u BiH (pozivi na radionice, seminare, konferencije, pozivi za projektne aplikacije, poslovi, školarine, ostale aktivnosti);
- Održavali i redovno dopunjavali informacije na našoj web stranici www.omladina-bih.net;
- Slali informacije koje smo dobili od omladinskih organizacija i pojedinaca iz mreže prema vani (međunarodnim organizacijama, organizacijama u regionu, donatorima);
- Vršili korespondenciju sa organizacijama i pojedincima zainteresovanim za rad mreže, odgovarali na upite vezane za određene aktivnosti, edukacije i ostale informacije vezane za aktivizam mladih u BiH.

Osim ovih redovnih aktivnosti, a zbog godišnjih odmora i ljetnih raspusta, naša kancelarija je tokom avgusta radila na pripremama izvještaja prema donatorima i planovima za nove aktivnosti.

PLANOVI HCA/ORC-A ZA SEPTEMBAR

U okviru projekta: **Regionalna omladinska mreža protiv diskriminacije Zapadnog Balkana**, koji implementiramo sa partnerima iz: Makedonije, Srbije, BiH i Kosova, tokom septembra krećemo sa aktivnostima priprema Bazičnih radionica za senzibilizaciju mladih na nacionalnom nivou.

Tokom septembra ćemo takođe raditi na planiranju cjelokupnog partnerskog projekta, koji traje do 2013. godine. O ovome više informacija u narednim biltenima.

Pripreme za nastavak rada mreže ALF BiH.

U okviru ALTYO projekta, koji u BiH implementira PRONI Brčko, tokom septembra će biti održane tri treninga modula 3 u Ohridu Makedonija. NA ovim radionicama učestvovali će I predstavnici ORC Tuzla.

Nastavak rada hCa/ORC Tuzla na redovnoj distribuciji informacija omladinskim organizacijama u Bosni i Hercegovini, kao i uređivanje i distribucija mjesečnog biltena Omladinske Mreže Bosne i Hercegovine.

AKTIVNOSTI ČLANICA OMLADINSKE MREŽE BIH

NVO MDD – Muslimansko dobrotvorno društvo – Merhamet Dobož

Kralja Aleksandra 17, 74 000 Dobož

Tel.: 053 226 886

E-mail: merhamet.dobož@cutuk.net

Web: www.ngo.ba

Rad H.O. „Merhamet- a“ Dobož se bazira na stalnim i povremenim aktivnostima. **Stalne aktivnosti su:** pomoć socijalno ugroženim kategorijama, kompjuterske usluge, fotokopiranje, rad ambulante i izrada projekata.

Projekti koji se implementiraju:

- „Pokretanje malog biznisa kreditiranjem“
- „Pomoć nepokretnim osobama koje žive same“
- Projekat zdravstvene zaštite

Ostale aktivnosti „Merhmet-a“ Dobož u toku avgusta:

- Predsjednica „Merhamet- a“ Dobož prisustvovala seminaru pod nazivom „Izgradnja kapaciteta civilnog društva za učešće u civilnom dijalogu BiH“.
- Aktivisti „Merhamet- a“ Dobož izvršili raspodjelu dječije garderobe za 110 djece. Donator World Vision.
- H.O. „Merhamet“ Dobož obradovao socijalno ugrožene članove raspodjelom humanitarnih paketa.
- „Merhamet- ovu“ ambulantu posjetili predstavnici organizacije „Medicaments solidaris“ iz Španije.
- Predsjednica „Merhamet- a“ Dobož Faketa Avdić uručila pomoć porodici Manjić koja je izgubila sve u požaru.
- Aktivistice „Merhamet- a“ Dobož Arnela Hadžikadunić i Mirzeta Buljubašić izvršile raspodjelu dječije garderobe djeci socijalno ugroženih porodica. Donator „Sendy“ Kraševo.





UDRUŽENJE „GRAĐANSKI EDUKATIVNI CENTAR“ TUZLA

Kaldrma 2, 75 000 Tuzla

Tel.: 063 237 134

E-mail: gec@gec.ba

Web: www.gec.ba

Priznanje GRAD MLADOSTI 2011

Građanski edukativni centar (GEC) po prvi put na teritoriji Bosne i Hercegovine organizuje dodjelu priznanja GRAD MLADOSTI. Ovo priznanje dodjeljuje se lokalnim samoupravama, formalnim i neformalnim organizacijama i pojedincima koji su doprinijeli poboljšanju položaja mladih u lokalnoj zajednici.

Zašto GRAD MLADOSTI? Cilj nagrade je da se oda priznanje za ukupan doprinos lokalnih samouprava unapređenju položaja mladih na lokalnom nivou i taj doprinos načini vidljivim široj javnosti. Pored toga, nagrada ima za cilj i da podstakne lokalne samouprave da učine više na unapređenju položaja mladih, da nastave da razvijaju mehanizme za socijalno uključivanje ranjivih kategorija mladih i da podstakne mlade, njihova udruženja i inicijative da zajednički sa lokalnim samoupravama rade na unapređivanju sopstvenog položaja.



GRAD MLADOSTI 2011. biće dodijeljen u sljedećim kategorijama:

1. Nagrada za lokalnu samoupravu za ukupan doprinos unapređenju položaja mladih u lokalnoj zajednici;
2. Nagrada za lokalnu samoupravu za dodijeljeni javni prostor mladima u lokalnoj zajednici;
3. Nagrada za lokalnu omladinsku organizaciju, neformalnu grupu ili inicijativu za doprinos unapređenju saradnje između lokalne samouprave i mladih;

Specijalno priznanje biće dodijeljeno u sve tri kategorije za doprinos unapređenju položaja mladih iz marginalizovanih grupa, ukoliko bude odgovarajućih nominacija.

NOMINOVANJE

Nominovanje će biti organizovano on-line preko web portala www.gec.ba. Nominacije mogu podnijeti:

- Lokalne samouprave,
- Omladinske organizacije/grupe/inicijative ili organizacije koje se bave mladima,
- Međunarodne organizacije,
- Pojedinci.

Lokalne samouprave i omladinske organizacije/grupe/inicijative ili organizacije koje se bave mladima mogu nominovati i sebe u odgovarajućim kategorijama. Javno glasanje će biti organizovano i preko društvene mreže Facebook i ovi glasovi će se računati prilikom donošenja odluke o dobitnicima priznanja. Nominacije će biti otvorene od 08. augusta do 08. septembra 2011. godine.

DONOŠENJE ODLUKE O DOBITNICIMA

Žiri je zadužen za izbor dobitnika priznanja. Žiri se sastoji od 5 članova koji će imenovati Građanski Edukativni Centar do kraja nominativnog kruga. A koji bi trebali činiti predstavnici nadležnih ministarstava, lokalnih zajednica, medija, omladinskih organizacija, udruženja i fondacija.

SVEČANOST PROGLAŠENJA POBJEDNIKA

Svečanost proglašenja pobjednika održaće se sredinom septembra mjeseca.

Kampanja „GLEDAMO VAS“

Građanski Edukativni Centar (GEC) kao nacionalna organizacija koja se bavi svim vidovima odgojno-obrazovnih i informativnih djelatnosti pokrenuo je kampanju pod nazivom „GLEDAMO VAS“ koja ima za cilj monitoring postupka izbora nastavnika/profesora u osnovnim i srednjim školama na području TK.



Naš zadatak je da u ovom procesu nadgledamo zakonitost izbora nastavnog osoblja u ustanovama odgoja i obrazovanja na području TK ali i da ukažemo na eventualne nedostatke odnosno zakonske propuste menaždmenta škola. Očekujemo od uprava škola da svoj posao obaljavaju isključivo profesionalno i u skladu s zakonom. Ujedno želimo da ohrabrimo nastavnike-aplikante da ukoliko uoče sumnjive postupke da iste prijave našem centru nakon čega ćemo s advokatskim timom specijalno oformljenim za ovu priliku pokrenuti opsežnu akciju koja će imati za cilj sankcionisanje prestupnika i njihovo trajno udaljavanje iz obrazovanja.

Kampanja GLEDAMO VAS traje sve do 5 septembra tekuće godine nakon čega ćemo javnosti prezentirati ishod kampanje i poduzeti pravne korake ka rješavanju eventualnih problema uočenih u postupku.

Održan interni čas polaznika MEP AVISTA

U holu GEC-a u ponedjeljak 30.08.2011. godine održan je INTERNI ČAS polaznika škole muzičkih umjetnosti u okviru razvojnog muzičkog edukativnog programa AVISTA. Učešće na koncertu uzelo je šest učenika : Aida Fazlić, Faris Jašarević, Neira Karić, Selma Lugavić, Ena Jašarević i Lamija Demić koji su se predstavili s početiri djela kompozitora: Cherny, W.A. Mozart, M. Tajčević, A. Horozić, M. Väyrynen. Pomenuti učenici od februara mjeseca tekuće godine polaznici su ovog inovativno-edukativnog programa a večerašnji interni sat bio je i prilika istima za prvi javni nastup. Podsjetimo Građanski Edukativni Centar organizator je (Muzički edukativni program AVISTA) razvojnog programa prvog ovog tipa na teritoriji BiH u trajanju od sedam godina koji treba da posluži kao dodatni kulturno-edukativni resurs lokalne zajednice. MEP Avista je koncipiran baš na taj način da polaznicima omogući da na relaksirajućim način bez straha od neuspjeha i negativnih ocjena završe započeti program. Program podstiče, usmjerava i ohrabruje učenike za radom i istraživanjem u oblasti muzike a na kraju dobijaju i certifikat – nešto na šta će biti veoma ponosni.



Razvojni Muzički edukativni program „A VISTA“ u implementaciji Škole muzičkih umjetnosti je dizajniran da učenicima u roku od deset mjeseci omogući najosnovnije muzičko obrazovanje, izgradi dobre muzičke temelje za eventualno daljnje muzičko školovanje i usavršavanje. Prednosti programa u organizaciji civilnog društva su:- Idealna mogućnost pripremanja učenika. – Individulani rad s verifikovanim i stručnim nastavnicima. – Certifikat / Uvjerenje / Diploma o završenom programu. – Mogućnost nastavka školovanja i muzičkog usavršavanja. Otvoren za upis učenika tokom cijele godine uzrasta od 6 do 16 godina.

Muzički edukativni program Avista (MEP AVISTA)

„Građanski edukativni centar“ (GEC) kao organizator i „Škola muzičkih umjetnosti“ (SMU) kao implementator ušli su u šesti mjesec realizacije „Muzičkog edukativnog programa AVISTA“. Jedinствен edukativni koncept koji se po prvi put održava na prostoru Bosne i Hercegovine i regiona je zadovoljio potrebe polaznika u punom smislu te riječi ali i same lokalne zajednice. Podsjetimo nastavni proces na MEP-u odvija se planiranim tempom u skladu s nastavnim planom i programom do tri puta sedmično. Učenici u okviru radne sedmice pohađaju individualnu nastavu na odjelima za harmoniku i klavir; osnove teorije muzike.



HUMANITARNO UDRUŽENJE „BOLJA BUDUĆNOST“ TUZLA
Stupine B7/3, 75 000 Tuzla
Tel: 061 615 562, 062 472 508
E-mail: bolja.buducnosttz@gmail.com

Da imamo bolju budućnost

Humanitarno udruženje osoba slabog socijalnog statusa „Bolja budućnost“ TK je prvo humanitarno udruženje za borbu bolje egzistencije građana na našim prostorima, za poboljšanje života, bolju budućnost i za pružanje pomoći socijalno ugroženim.

Napokon, 17 godina nakon rata u Tuzli je od strane mladih ljudi – humanista, članova Udruženja „Bolja budućnost“ TK pokrenuta akcija prikupljanja pomoći kako bi se u ovom gradu pokrenulo nešto pozitivno za dobrobit građana, jer iz godine u godinu situacija je sve gora i teža. Svaki dan raste broj socijalno ugroženih i raste broj porodica koje su na rubu egzistencije (jedan od dokaza je da Tuzlanski kanton ima najviše samoubistava zbog gladi i siromaštva), dok pojedini grade fontane, fudbalske stadione i slične objekte.



Iz tog razloga smo, uz pomoć ovih mladih ljudi, pokrenuli ovu akciju koja će svojom humanošću i patriotizmu to promijeniti na ovom području. Put će biti trnovit i težak, a da bi nam bilo lakše potrebna nam je pomoć građana, nevladinih organizacija i svih dobronamjernih ljudi. Iz tog razloga vas molimo da nam date potporu da pomognemo onima kojima je pomoć potrebna i da promijenimo negativnosti koje donose siromaštvo, glad i patnju djece.

Postanite dio našeg tima da zajedno pomognemo socijalno ugroženim na području TK.



NGG POKRET MLADIH „VOLONTERI & PRIJATELJI KONJICA“

Civilnih žrtava rata 3, 88400 Konjic

Tel.: 036 730 688, 061 610 127

E-mail: adismuhibic@gmail.com

Web : <http://volonteriprijateljikonjica.blogger.ba/>

<https://sites.google.com/site/nggvipk/home>

<http://www.facebook.com/groups/220690771277915/>

ODRŽANA 15. I 16. SJEDNICA GLAVNOG ODBORA VOLONTERA I PRIJATELJA KONJICA

U proteklom periodu održane su dvije redovne sjednice Glavnog odbora NGG VIPK. Zaključci:

- usvojeni izvještaj o realizaciji aktivnosti između dvije sjednice i izraženo je zadovoljstvo učinjenim na poboljšanje života u zajednici, kao i potvrdi solidarnosti građana Konjica,
- Pored brojnih aktivnosti GO je u ovom periodu bio u prilici da svoje aktivistice pošalje i na dva seminaru i to u Mostar (**Alemu Potur i Elvedinu Alić**) i Banja Luku (**Irmu Korić i Ramizu Inajetović**), te da uspješno realizuje humanitarnu akciju za bolesnog dječaka **Hasana Čorića**, koji je trenutno na liječenju u Zagrebu. Tom prilikom posebno su od strane koordinatora grupa pohvaljeni volonteri: **Almin Halebić, Edin Košpo, Almedina Kašić, Elvira Ćosić, Amir Buturović, Ramiza Inajetović, Muamer Habibija, Nejra Hebibović** iz Vijeća mladih, kao i članovi KK Igman na čelu sa **Aladinom Bilanovićem**,
- Važno je istaknuti da je ostvarena kvalitetna saradnja sa medijskim kućama (dječija igrališta-Hayat TV, porodica Plavčić-TVSA, znamenitosti i pozitivne priče iz Konjica-TRT), koje su u svojim udarnim terminima emitovale priloge iz Konjica,
- U proteklom periodu održano je više radnih sastanaka sa predstavnicima općinskih službi i drugih institucija i ostvarena je uska saradnja, te dogovorene konkretne aktivnosti sa predstavnicima istih. Pozdravljena je odluka općine Konjic da konačno pristupi sanaciji i rekonstrukciji dječijih igrališta i parkova u Konjicu,
- U daljim aktivnostima Volonteri i prijatelji Konjica fokus pažnje će usmjeriti ka vraćanju košarkaškog poligona u ulici Civilnih žrtava rata djeci Trešanice, koji je duži niz godina pretvoren u nelegalni parking od strane neasvjесnih građana i zatražit će posredstvom MZ Trešanica njegovo uređenje i obnovu. Svima je jasno da je sportski poligon samo jedna od nužnih mjera prevencije protiv devijantnih ponašanja djece i omladine.
- Prihvaćena je inicijativa mladih volontera da se krene u pripremu aktivnosti za istraživanjem i pokretanjem kampanje za povećanjem stipendija mladim učenicima i studentima Konjica, kao i za analizu načina dodjele istih od strane općine Konjic,
- Diplomirana pravnik Irma Korić, koja je obnašala dužnost generalnog sekretara na lični zahtjev (zbog obaveza na novom radnom mjestu) je razrješena dužnosti, a na njeno mjesto je imenovana Ramiza Inajetović, također, diplomirana pravnik. Irma Korić, vršit će dužnost asistencije generalnog sekretara. Apsolventica Fakulteta za saobraćaj i komunikacije, **Azemina Baljeta** imenovana je za Voditeljicu TIMA 1 NGG VIPK.
- Uspješna humanitarna akcija koja se vodila za dječaka Hasana Čorića, uspjela je i volonteri naše grupe svojim radom i kampanjom od strane građana i institucija Konjica i šire prikupili su u roku od 15 dana oko 16.000 KM.
- svim donatorima projekta „Misija Konjic-Srebrenica Marš mira 2010“ dostavljena je povratna informacija, odnosno pismeni izvještaj o cjelokupnom projektu.
- Kvalitetan rad naše grupe nominovan je za priznanje „GRAD MLADOSTI“, kojeg realizuje Građanski edukativni centar Tuzla.
- Glavni odbor osudio je i odbacio svojevrsnu ucjenu „fantomskog“ predsjednika MZ Trešanica **Velije Halilovića**, koji je zahtijevao da se prikupi peticija 30 potpisa građana, kako bi on potpisao dopis ispred MZ Trešanica kojim će pokrenuti nadležne službe, da postave fizičke prepreke i počnu uređenje tog prostora. Ovo iz razloga, jer je oko 200 građana ulica Luka, ČŽR i IV Muslimanske brigade otvorenim pismom iz septembra 2010. godine s argumentima upućenim načelniku općine Konjic osporilo način izbora i konstituisanja Savjeta MZ Trešanica.
- primljene su k znanju informacije o upućenoj pismenoj žalbi građana na neprofesionalno ponašanje općinskog službenika **Ejuba Miljevića**, kao i pohvala na kvalitetan i ljubazan rad **Mirze Kevrića**, također općinskog službenika. Oba pisma poslana su na ruke načelniku općine Konjic.



- NGG Volonteri i prijatelji Konjica podnijeli su zahtjev Odsjeku za inspekcijske poslove općine Konjic i nadležnoj Policijskoj upravi Konjic za intervenciju i zaustavljanje vandalizma prema rekvizitima u dječijem parku u Trešanici od strane nesavjesne građanke **Merime Šabić zv. Lola**.
- obilježena je prigodnim sjećanjem godišnjica smrti volontera **Burima Jašarija** (R.I.P. 3.8.2011.)

VOLONTERI UN-a ODRŽALI SASTANAK SA VOLONTERIMA KONJICA

Glavni koordinatorski NGG Volonteri i prijatelji Konjica **Adis Muhibić** rekao je danas predstavnici Organizacije volontera Ujedinjenih nacija (UNV) Bojani Batinić u Sarajevu da će članovi grupe biti podrška programu i aktivnostima koje su planirane da se realizuju tokom mjeseca septembra u Konjicu, saopštila je press služba NGG VIPK.

Kako je navedeno, na sastanku je bilo riječi o detaljima vezanim za pripremu par projekata u Konjicu sa lokalnim partnerskim organizacijama koji mogu dovesti do poboljšanja ambijenta življenja u pojedinim ulicama grada Konjica.



Pomoćnik glavnog koordinatora **Sead Baljeta** izložio je aktivnosti koje su preduzete do sada s ciljem poboljšanja uslova i načina dodjele stipendija od strane općine Konjic. U narednom periodu očekuje se organizacija okruglog stola sa mladima Konjica koji bi analizirali trenutnu situaciju i zaprimljene informacije, te odredili pravce djelovanja tokom ove i naredne izborne godine.

Sagovornici su izrazili optimizam i istakli potrebu mobilizacije mladih da podrže usvajanje zakona o volontiranju. Entitetske vlasti Republike Srpske formalno su usvojile Zakon o volontiranju. U Federaciji BiH zakon o volontiranju ne postoji. Današnjem sastanku prisustvovala su i aktivistice Azemina Baljeta i Almedina Kašić, koje su najavile uspostavljanje regionalnog partnerstva sa Klubom Omladina pokreće akciju iz Beograda u sklopu programa Youth in Action.

NOVA AKCIJA "LJEPŠA OKOLINA-UGODNIJI ŽIVOT"

NGG Volonteri i prijatelji Konjica i Likovna škola "Zuko Džumhur" iz Konjica uz podršku Organizacije volontera Ujedinjenih nacija (UNV) u mjesecu septembru ove godine planiraju realizaciju projekta "LJEPŠA OKOLINA-UGODNIJI ŽIVOT". Akcija je planirana da se održi u ulici IV Muslimanske brigade MZ Trešanica u neposrednoj blizini parka i zgrade BH Pošte. Cilj je da se uredi građevinskim zahvatima i oboji umjetničkim detaljima zid koji sada predstavlja ruglo, jer je prljav i išaran raznim porukama. Na taj način djeca i građani tog područja imat će daleko ljepši ambijent za igru i odmaranje.

Koordinator volontera akcije **Mustafa Kurtić**, predsjednik Kućnog savjeta, koji je sa svojim sugrađanima prošle godine pokrenuo aktivnosti na uređenju ove parkovske površine istakao je da u narednom period očekuje i podršku JKP Standard, BH Pošte, kao i nadležnih općinskih službi.

U petak, 26.8.2011. godine zajednički obilazak prostora i vanjski pregled zida izvršili su Vedat Mujak, predstavnik Likovne škole "Zuko Džumhur" i aktivisti NGG VIPK Mustafa Kurtić, Mirnes Bajić, Sanela Muhibić, Samira Kurtić i Adis Muhibić.

"Ovo je 14 akcija koju pokreću mladi članovi pokreta Volontera i prijatelja Konjica. Drago nam je da su naše dosadašnje rezultate i stečenu reputaciju prepoznali i u Organizaciji volontera UN-a. Siguran sam da ćemo imati i nastavak zajedničkih aktivnosti u narednom periodu," istakao je Mirnes Bajić, idejni koordinatorski NGG VIPK.

Preporučujemo da nam se pridružite na:

<http://www.facebook.com/groups/220690771277915/>



UDRUŽENJE IPAK - MLADOST GRADI BUDUĆNOST
PROJEKTNI URED: Patriotske lige 10, 75000 Tuzla, BiH
Tel./fax: 035 257 474, Telefon: 035 257 097
E-mail: ipak_tuzla@bih.net.ba,
www.ipak-mgb.ba, www.mladiuakciji.ba

Realiziran trening na temu „Nenasilne razrade konflikta“

Krajem jula 2011. god. u Križevićima, u Internacionalnom omladinskom centru IPAK-SHL, održan je trening za mlade iz Podrinjske regije na polju “edukacija mladih lidera u oblasti mirovne edukacije u zajednici i razvoja civilnog dijaloga u lokalnim zajednicama Podrinjske regije”, na temu “nenasilne razrade konflikta”. Trening je podržan od strane Njemačkog ministarstva za vanjske poslove IFA (Institut für Auslandsbeziehungen). Na treningu je uzelo učešće 20 omladinskih aktivista i članova organizacija ROM-a za LR (Regionalna omladinska mreža za lokalni razvoj).



Na treninzima su obrađivane teme vezane za vještine napredne komunikacije: Aktivno slušanje, uticaj konteksta na komunikaciju, empatsko razumijevanje, višeslojnost slušanja, Aktivno slušanje u teškim situacijama, Davanje povratne informacije (feedback-a). Pored toga obrađivane su teme vezane za pojam liderstva: izbor lidera, odgovornost lidera, odgovornost grupe, izbjegavanje pojedinačne odgovornosti i posljedice toga. Treća tema bila je Moć. U okviru nje obrađene su sljedeće cjeline: odnos prema moći, kategorizacija moći, zloupotreba moći, moć saradnje, moć u nama.

Fokus ovih mjera bio je na povećanju kapaciteta učesnika za kvalitetnu komunikaciju. Jedna od teza s kojom smo krenuli je da „napredna komunikacija“ prije svega podrazumjeva dobro slušanje. A dobro slušanje je nešto na čemu se dugo mora raditi i učiti. U tom smislu, tokom ovog treninga, postignuto je dosta na razumijevanje procesa slušanja, stvari koje ga otežavaju i stvari koje u tom procesu pomažu.

Ciklus treninga iz ove oblasti će biti realiziran do kraja godine.

Omladinski kamp na temu „Ljudska prava u prošlosti, sadašnjosti i budućnosti“

Dvadeset mladih ljudi iz BiH i Njemačke uzrasta između 17 i 25 godina u periodu od 09. jula do 23. jula ove godine, zajedno su boravili u malom mjestu Križevići kod Zvornika i kroz raznovrsan spektar radionica razmijenili iskustva o temama ugrožavanja ljudskih prava u ratovima iz prethodnog vijeka. Osim toga, realizirana je posjeta Memorijalnom centru u Potočarima, dvodnevni rad na uređenju prostora Memorijalnog centra i razgovor sa ljudima koji su preživjeli 11. juli 1995. u Srebrenici.



Istraživani su gradovi Zvornik, Tuzla i Sarajevo, te je organizirana posjeta jezeru Divić.

Više utisaka o ovom kampu u narednom izdanju biltena.



UDRUŽENJE GRAĐANA "KRIVA RIJEKA"

Solun bb, 71 340 Olovo

Tel./Fax: 032/827-212

E-mail: ug.krivarijeka@hotmail.com

Odobrena dva projekta

Na prvom sastanku Područnog odbora Krivaja - Općina Olovo, održanom 23.08.2011. godine, u prostorijama Općine Olovo, prisustvovali su slijedeći članovi: Avdo Hasanspahić, Anisa Hadžiabdić, Hasna Vatreš, Sena Šehić, Zahir Ećo, Milunić Đuvahir, Samir Milunić, Kemala Hodzić. Na sastanak su pozvani, ali nisu prisustvovali: Esad Pepić, Izudin Zilić.

Primarna uloga odbora je da donosi odluke o dodjeli sredstava organizacijama Općine Olovo koje apliciraju World Vision-u za projekte namjenjene neformalnom obrazovanju školske djece iz škola u Olovu i Solunu, a sve imajući u fokusu djecu.

Nakon što su se na sastanku Odbora bodovala dva predložena projekta, oba iz organizacije Kriva Rijeka, zaključeno je da **Odbor odobrava oba projekta**. Bodovanje je prihvaćeno kao validno, jer je većina članova Odbora prisustvovala sastanku.

Bodovna lista izgleda ovako:

1. "Knjiga je moj najbolji prijatelj": prosječna ocjena: 44,5

Osnovni cilj ovog projekta je da učenici kroz pisane/slikane radove prenesu svoja razmišljanja, gledišta, iskustva koje bi mlađe generacije mogle iskoristiti u razumijevanju i rješavanju svojih problema, za koja im se uvijek čini da su najteži i da ih jedino oni imaju. Krajnji rezultat projekta je knjiga učeničkih radova.

2. " Street basket ": prosječna ocjena: 44,16

Osnovni cilj ovog projekta je da djeca i omladina dobiju mjesto gdje će moći igrati basket. Kroz takmičenje i druženje razmjenjivat će svoje mišljenje i gledišta uz toleranciju i mir. Dugoročni cilj nam je: 1. pokrenuti školu košarke u Olovu; 2. uspostaviti mostove prijateljstva sa susjedima; 3. istu aktivnost nastaviti u narednim periodima u drugim mjestima i gradovima.



PRONI CENTAR ZA OMLADINSKI RAZVOJ

Ive Andrića bb, 76 100 Brčko Distrikt BiH

Tel./Fax: 00 387 49 217 695

E-mail: pronibrco@teol.net

www.pronibrcko.ba



“Млади у Брчком угостили америчког амбасадора!

Амерички амбасадор у БиХ Патрик Мун посетио је Брчко 27.7.2011. године гдје је присуствовао свечаности почетка реализације пројекта „Млади граде будућност у Брчко дистрикт БиХ“ чија је вриједност 899.000 америчких долара. Носилац пројекта је америчка невладина организација "Youth Build International", уз подршку USAID-а и локалних партнера - Удружења „Центар за одрживи развој“ и невладине омладинске организације „ПРОНИ Центар за омладински развој Брчко дистрикта БиХ“.



Пројекат „Млади граде будућност у Брчко дистрикт БиХ“ има за циљ побољшање економског положаја младих, повећање запослености и веће укључивање младих у пројекте унапређења своје локалне заједнице. Овим се пројектом планира ангажовање 300 незапослених младих особа свих националности. Млади Брчаци, учесници пројекта, добиће и новчану помоћ од 300 америчких долара као џепарац, односно 100 КМ мјесечно. Пројекат је финансиран од стране USAID-а.

Полазници овог пројекта, 60 младих из Брчког, већ увелико поправљају спортска и дјечија игралишта на подручју града и присуствују планираним тренинзима, тј. предавањима. Током августа мјесеца су покренули и акцију добровољног прикупљања новчане помоћи за лијечење Ђорђа Миливојевића обољелог од леукемије. Поред ове акције, покренули су и успостављање хуманитарног броја у сва три оператера, као и хуманитарна журка организована у кафеу "Good Times". Многи су се прикључили овој акцији и ставили касице за прикупљање помоћи у својим локалима. Организовањем ове акције млади су нам показали да су спремни да помогну тамо гдје је помоћ стварно потребна.

Захваљујемо се свима који су се одазвали овој акцији!



FORA 2011

PRONI-jev festival omladinskog rada 2011. pod nazivom „FORA je biti coolturan“ održan je u Brčko distriktu u okviru Kulturno-sportske manifestacije Savski cvijet Brčko distrikt BiH. FORA je i ove godine, kao i godinama do sada, u sadržaju imala sportske i kulturne aktivnosti za mlade. U tri dana, 8., 9. i 10. avgusta/kolovoza 2011. godine FORA se bavila kulturom mladih u Brčko distriktu BiH i to kroz slijedeće aktivnosti: Turnir u odbojci na pijesku, Izložna fotografija CoolTourYouthRights, Coolturno veče, Projekciju filmova DORF festivala iz Hrvatske, Dječija igraonica i Coolturni koktel za volontere.

Tokom tri dana festivala u aktivnostima je učestvovalo oko 160 mladih, a ukupan broj posjetilaca ja bio oko 2000 ljudi. Ovogodišnja FORA je podržana od strane MDG-F programa Kultura za razvoj, Vlade Brčko distriktu BiH – Pododjel za turizam, sport i kulturu te nekoliko lokalnih sponzora. FORA je ove godine organizovana u sklopu projekta "Kulturom do poštivanja različitosti"!

Hvala svim učenicima i posjetiocima FORA-e.



„Хуманост на дјелу“

Завршена је и прва фаза реализације пројекта „Хуманост на дјелу“, који имплементира ПРОНИ Центар за омладински развој у Бијељини у сарадњи са Општином Бијељина.

Волонтерке ПРОНИ-а у Бијељини Ивана Марковић и Тања Пашалић су током јула и августа мјесеца радиле са дјецом са посебним потребама у Центру за социјални рад у Бијељини. Оне су два пута седмично одлазиле у Центар за социјални рад и својим креативним радионицама попуњавале дневни боравак овим малишанима у Центру.

Један од циљева пројекта је и већа инклузија дјеце са посебним потребама у друштву и да се свим младима пруже једнаке могућности.

Ранија сарадња ПРОНИ-а и Центра за социјални рад у Бијељини настављена је овим пројектом, а сам пројекат показује хуманост ПРОНИ волонтера испред свега.



„Dan mladih“

PRONI Centar za omladinski razvoj je danas ove godine obilježio Međunarodni dan mladih i predstavio projekat ***Institucionalni dijalog između mladih i vlasti kroz osnivanje vijeća mladih.***



Za ovaj projekat potpisan je sporazum o saradnji između nosioca projekta i PRONI Centra za omladinski razvoj, Omladinskog centra „Vermont“ i Udruženja za edukaciju, promociju i afirmaciju mladih „EPA“. Potpisivanje sporazuma je upriličeno povodom Međunarodnog dana mladih na Trgu mladih u Brčko distriktu BiH.

Projekat *Institucionalni dijalog između mladih i vlasti kroz osnivanje vijeća mladih* provodi se u saradnji sa Demokratskom organizacijom mladih Velika Kladaša, PRONI Brčko, Omladinski savjet Vlasenica,

KULT Gradačac, te Institutom za razvoj mladih KULT uz podršku Evropske unije. Ovaj projekt nastoji uspostaviti institucionalne nevladine omladinske strukture, kako bi mogle sarađivati u svim procesima donošenja odluka za mlade, na svim nivoima vlasti. Više informacija o aktivnostima možete pronaći na www.mladi.org



У Бијељини подржан још један ПРОНИ-јев пројекат

Представница ПРОНИ-а, Бојана Секулић – Менаџер за ПР и образовање, је у Бијељини у августу мјесецу свечано потписала још један уговор са представницима Општине Бијељина за пројекат „Заједно за љепши град“. Овај пројекат се реализује у склопу УНДП-овог пројекта „Јачање локалне демократије/демократије II – ЛОД II“, који финансира Европска Унија.

Пројекат „Заједно за љепши град“ има за циљ обнову и реконструкцију 3 локације/зелене површине у Бијељини, на којима ће се градити дјечјија игралишта и садити дрвеће и цвијеће у циљу промовисања здраве животне средине.



Пројекат ће трајати 6 мјесеци и то од августа 2011. године до фебруара 2012. године.



Volonterke PRONI-a na ljetnom muzičkom kampu



Na ovogodišnjem muzičkom ljetnom kampu koji je organizovala omladinska organizacija Svitac u periodu od 12. – 19. 7. 2011. godine, na našoj prelijepoj planini Igman učestvovala su i volonterke PRONI-a: Nada Zoranović i Ena Žunić.

Naše volonterke su doživjele nezaboravne šetnje kroz divne zimzelene šume, koje obiluju svježim planinskim vazduhom punim kiseonika, svaki dan imale kreativne radionice, te muzičke radionice sambe. Veselo društvo je hladne noći provodilo ili kraj logorske vatre, uz zvuk akustične gitare ili uz kino večeri.



„Културом до поштивања различитости“

Како се почиње радити на новим пројектима, тако се раније започети пројекти приводе крају. Један такав пројекат је „Културом до поштивања различитости“. Рад на овом пројекту је почет прије годину дана.

Активности овог пројекта су одрађиване у 5 градова сјевероисточне БиХ и то: Живинице, Братунац, Власеница, Бијељина и Брчко. У свим градовима су рађене креативне радионице:

- ❖ Живинице – „All together“
- ❖ Власеница – „Budi COOLturan“
- ❖ Братунац – „Green is in!“
- ❖ Бијељина – „Multiart“
- ❖ Брчко – „UNITED DANCE“

У свим градовима су рађене и глумачке радионице са театар групом „УБУНТУ“ из Бијељине. Почетком фебруара мјесеца пуштена је у рад и web страница www.proniporart.org на којој сте могли пратити рад на радионицама у овим градовима, културна дешавања и сазнати нешто о умјетницима из ових градова. Страницу уређују волонтери партнерских организација који су прошли обуку web дизајна. ПРОНИ-јеви партнери на овом пројекту су следеће организације:

- ❖ ОТАХАРИН – Живинице
- ❖ Омладински Савјет Власеница
- ❖ Омладинска организација „Одисеј“ – Братунац.

Током августа мјесеца у свим градовима су одржани фестивали, под различитим називима, као завршне активности самог пројекта. У Брчком је фестивал трајао 3 дана, а у осталим градовима по 1 дан. На фестивалима су приказани резултати рада током пројекта – радионица, глумачке представе, као и културни програм у сарадњи са локалном заједницом. Више о томе можете наћи на страници ПрониПопАрт.

Овим путем се захваљујемо свим партнерима, учесницима пројекта и волонтерима који су помогли да се овај пројекат приведе успјешно крају, као и донаторима.

*Пројекат је подржан од стране МДГ-Ф програма Култура за развој.

**INSTITUT ZA RAZVOJ MLADIH - KULT****Centralni ured Sarajevo (CUS)****Banjska ul. 2, 71 210 Ilidža, Sarajevo****E-mail: kult@mladi.org, www.mladi.org****Tel./fax: 033/637 290, 033 621 351****Međunarodni dan mladih - Koga je briga?**

Licemjerno je od strane vlasti čestitati mladima Dan mladih u zemlji u kojoj su mladi kategorija stanovništva za koju se izdvaja najmanje budžetskih sredstava, gdje ne postoji Federalno ni državno ministarstvo za mlade, a po čemu smo jedinstveni u regiji, gdje više od 50% radno sposobnih mladih ne radi, u zemlji koju 2/3 mladih želi napustiti – u zemlji u kojoj za probleme mladih niko istinski ne mari?

„Nek' idu, ako žele, svakako ispijaju kafe po cijeli dan!“, bit će čest odgovor starijih ukoliko ih pitate šta misle o odlasku mladih iz zemlje. Da su lijeni, da ne znaju ništa raditi, da ne uče, da su paraziti na račun roditelja – sve su češće kvalifikacije koje se o mladima ustaljuju u našem društvu. Ima istine u tome, ali bi se stvari svakako morale posmatrati uzročno-posljedično. Jesu li prethodne generacije bile bogomdane pa su zbog toga bile vrijedne i marljive, ili je postojao sistem koji ih je prihvaćao i usmjeravao? Itekako je postojao sistem koji ih je adekvatno školovao, pripremao za posao, a zatim im pronalazio radna mjesta. Školske sekcije, domovi mladih, sportski klubovi i sl. davali su im dodatnu mogućnost razvoja. Studentski servisi davali su im mogućnost zarade džeparca i jeftinih ljetovanja, a roditelji nisu imali potrebe da po svaku cijenu očekuju poslovni angažman djeteta „dan nakon dobivanja diplome“, jer su bili ekonomski stabilni. Čvrsta porodica, barem mnogo čvršća nego ova danas, nije ostavljala velikog prostora za „mladalačke manevre“, tako da su mladi imali prilično ravan put. A danas?

Da počnemo od sistema. Sistem ne funkcioniše: niti adekvatno obrazuje kadar, niti mu, nakon obrazovanja, može ponuditi radno mjesto. Zato, mladi, snalazi se ko kako može! Školske sekcije možda su još primamljive za osnovce, ali u društvu gdje je nastavnik potpuno izgubio ulogu odgajatelja i svakog autoriteta, sekcije niti su zanimljive niti mogu polučiti rezultata. Domova mladih više nema. Postoji pokoji centar za mlade, u aranžmanu nevladinog sektora, koji ne uspijeva i ono malo dobrih ideja koje ima provesti u djelo jer je budžetska podrška minimalna ili najčešće nikakva. Sportski klubovi su dužni. Milione. Toliko o njima. Studentski servisi oslikavaju opće stanje u obrazovnom sistemu. Slaba ponuda. Na kraju, porodica, sve je slabija i sve manje utjecajna i nezavisna da bi bila čvrst oslonac mladom čovjeku. U nekima mladi više ne vide ni ohrabrenje, već samo očekivanja.

Što piju kafe? – Zato što nemaju za sok.

Što su lijeni? – Zato što im zemlja ne pokazuje da se trud isplati.

Ne znaju raditi? – Zato što ih poslu nije naučio obrazovni sistem koji je to morao.

Ne uče? – Zato što ih tržište rada ismijava za ono što su u školama naučili.

Paraziti su na račun roditelja? – zato što nikog bližeg nemaju, a država im ne pomaže.

Mladi su ponekad problematični, ali zato što imaju problema. U mlade treba ulagati da bi se isplatili. O mladima u bh. društvu stari nemaju visoko mišljenje, k'o da su oni bolji. Kad stari shvate da će penzije biti veće i doktori ljubavniji samo onda kada za mlade bude više radnih mjesta i kada mladi budu ohrabreni zahtijevati od vlasti sve što ih sljeduje, samo tad će biti bolje. A do tada, 12. augusta je bolje prešutjeti.

Naša stranka i Transparency International podržali KULTOVU borbu protiv korupcije

Pristigle su pismene podrške Naše stranke i Transparency Internationala KULTOVOJ inicijativi za povećanje odgovornosti javnih institucija u Bosni i Hercegovini za trošenje javnih sredstava. Transparency International, čija je predstavnica učestvovala na KULTOVOM okruglom stolu o izmjenama i dopunama Zakona o reviziji institucija BiH nedavno održanom u Sarajevu, svojim se dopisom pridružio grupi nevladinih organizacija koje su i pismeno podržale Inicijativu.

Pet političkih stranaka podržalo KULTOVU inicijativu

Pet političkih stranaka do sada je pismeno podržalo KULTOVU inicijativu *Javna sredstva, računajte na mlade!*, o povećanju odgovornosti budžetskih institucija u Bosni i Hercegovini za trošenje javnih sredstava. To su Socijal-demokratska unija BiH (SDU BiH), Novi ekonomski pokret BiH, Savez za bolju budućnost BiH (SBBBIH), Stranka za narod BiH te Posavska stranka.

Pored političkih partija, inicijativu je pismeno podržalo, potpisujući memorandum o saradnji, još 9 nevladinih organizacija, koje su učestvovala na javnim raspravama o izmjenama i dopunama Zakona. Riječ je o Centru za humanu politiku (CHP)-u iz Doboja, Centru za zastupanje građanskih interesa (CPI) iz Sarajeva, Udruženju TENDER iz Banje Luke, Omladinskom savjetu Republike Srpske, OKC ABRASEVIĆ iz Mostara, Vijeću mladih Grada Mostara, Magazinu BUKA - Centar za informativnu dekontaminaciju mladih, Udruženju ekonomista RS SWOT, te Centrima civilnih inicijativa.

Potpisan ugovor između KULTA i Grada Sarajeva

U Gradskoj upravi Grada Sarajeva održana je ceremonija potpisivanja mikro-kapitalnih ugovora sa 10 organizacija civilnoga društva za provedbu projekta *Jačanje lokalne demokracije/demokratije II – LOD II*, koji zajednički realiziraju UNDP BiH i Grad Sarajevo. Na adresu Grada Sarajeva, koji je raspisao Javni poziv, pristigla su 72 projektna prijedloga, a podržano je 11 projekata. Među izabranim projektima je i projekt KULTA - *Grad Sarajevo te obrazuje!*

Ceremoniji potpisivanja ugovora obratili su se gradonačelnik Alija Behmen, zamjenik gradonačelnika Miroslav Živanović, predstavnik UNDP-a Samir Omerefendić, te gđa Sabina Hadžiahmetović iz Centra za okolišno-održivi razvoj COOR.



Promijenimo svoj svijet

Promijenimo svoj svijet! tema je ovogodišnjeg *Međunarodnog dana mladih*, koji čine više od četvrtine svjetskoga stanovništva. U svijetu danas postoji 1,8 milijardi mladih u dobi od 10 do 24 godine, a mnogi od njih nemaju priliku za obrazovanje i nedostaju im druge mogućnosti koje zaslužuju. Vršnjački edukatori/ce su u sklopu projekta *Info tačka za mlade* obilježili 12. augusta - Međunarodni dan mladih.



Podrška mladima Crvenog križa općine Ilidža

Institut za razvoj mladih KULT potpisao je ugovor o saradnji s Crvenim križom općine Ilidža i tako donirao novčana sredstva u cilju podrške učešću mladih Crvenog križa na Evropskom takmičenju prve pomoći. FACE (First Aid Convention Europe) *Evropsko takmičenje iz prve pomoći* je manifestacija posvećena volonterima/kama Crvenog križa u cilju da jedni drugima predstave tehnike u pružanju prve pomoći. Ove godine će, od 15. do 18. septembra, domaćin manifestacije biti Italija, Jesolo Lido Venecija. Italija će ugostiti 28 timova nacionalnih društava Crvenog križa, među kojima i ekipu CK Bosne i Hercegovine.

Rođendanska pjesma SPAJALICI: Danas nam je divan dan, divan dan...

Danas nam je divan dan, divan dan, našoj dragoj SPAJALICI treći rođendan. Prije tri godine Obrazovno-raznodni centar za mlade SPAJALICA je počeo s radom, a danas svečano zakoračio u još jednu, vjerujemo, jednako uspješnu kao i prethodne. Povodom trećeg rođendana volonteri/ke i omladinski lideri/ke sinoć su u dvorištu SPAJALICE organizirali zajednički iftar.



U Opštini Srebrenica uskoro obuka radnih grupa

U Omladinskom centru Srebrenica održan je sastanak sa službenikom za mlade ove opštine, predstavnicom Savjeta mladih Srebrenica kao i polaznicima/ama UMiD-a. Sastanak je održan s ciljem dogovora o održavanju obuke za radne grupe, nakon čega će uslijediti izrada radnih materijala za strategiju prema mladima Opštine Srebrenica. Također, razgovaralo se o aktivizmu mladih u Srebrenici, projektnim aktivnostima koje mladi provode u lokalnoj zajednici kao i o angažmanu polaznika/ca UMiD-a.

Potpisan sporazum s ASuBiH

Povodom potpisivanja sporazuma o saradnji u projektu *Institucionalni dijalog između mladih i vlasti kroz osnivanje vijeća mladih* održan je sastanak kojem su prisustvovali predstavnici/e KULTA i Asocijacije srednjoškolaca u BiH. Sandra Veletić, predsjednica ASuBiH-a, izrazila je zadovoljstvo zbog potpisivanja sporazuma ASuBiH-a i KULTA, te je dodala da vjeruje u uspješnu implementaciju ove inicijative.

KULT u posjeti Vijeću mladih općine Goražde

„Vijeće mladih Općine Goražde osnovano je nakon inicijative nekih od udruženja članica Vijeća i Općine Goražde. Smatramo da će ovaj oblik zajedničkog funkcioniranja omladinskih udruženja služiti kao platforma za stvaranje kvalitetnijih politika prema mladima, te da će pridonijeti aktivnijem sudjelovanju mladih u aktivnostima vezanim za poboljšanje njihovog položaja u Goraždu“, kazao nam je Armin Terović, predsjednik Vijeća mladih Goražda. Po završetku razgovora upriličeno je i potpisivanje sporazuma o saradnji Instituta za razvoj mladih KULT i Vijeća mladih Goražda u projektu *Institucionalni dijalog između mladih i vlasti kroz osnivanje vijeća mladih*.

Organizacije iz Jajca počele s procesom osnivanja vijeća mladih ove općine



U prostorijama *Omladinskog centra Jajce* upriličeno je potpisivanje sporazuma o saradnji Instituta za razvoj mladih KULT s udruženjima *UG Omladinski centar Jajce* i *Asocijacije mladih Vinac*, u projektu *Institucionalni dijalog između mladih i vlasti kroz osnivanje vijeća mladih*. U jednoj od prostorija centra je smještena redakcija lokalnog informativnog časopisa SENZOR, projekta kojim se OC Jajce izuzetno ponosi. „SENZOROM je lokalno stanovništvo dobilo priliku saznati kako mogu utjecati na razvoj lokalne zajednice“, kazao nam je Samir Agić, predsjednik OC Jajce.

Novi korak do vijeća mladih: potpisano

Institut za razvoj mladih KULT potpisao je brojne sporazume o saradnji u projektu *Intitucionalni dijalog između mladih i vlasti kroz osnivanje vijeća mladih*, sa omladinskim udruženjima i omladinskim savjetima. To su: Neformalna grupa mladih *Prijatelji omladinskog centra*, Otvorena asocijacija mladih

iz Travnika, Demokratski omladinski pokret – DOP, Omladinska novinska asocijacija u BiH, Udruga mladih *Alternativna liga iz Ljubuškog*, KUD lijaš, UG *Omladinski centar Gornji Vakuf-Uskoplje*, Asocijacija srednjoškolaca u BiH, Omladinski savjet Istočne Ilidže, Omladinski savjet Vlasenica, Savjet mladih Srebrenica, Omladinski savjet Milići, Centar za afirmaciju mladih Šekovići, Organizacija za djecu i mlade *Osmijeh za osmijeh* iz Tuzle, Evropski pokret u BiH - ured u Tuzli, Udruženje KULT Gradačac, ANEA – *Mladi Gračanice*, *Eko-Mladi* Tešanj, Udruženje mladih OBALA Tešanj, UG Centar za mlade, ekologiju i kulturu Općine Kladanj, Omladinski klub Kladanj, Omladinski klub DIJAMANT Jajce, PRONI Centar za omladinski razvoj, Omladinski centar Vermont i Udruženje za edukaciju, promociju i afirmaciju mladih EPA.



Održan sastanak s predstavnicima GAP-a

U prostorijama Instituta za razvoj mladih KULT održan je sastanak u vezi s projektom *Institucionalni dijalog između mladih i vlasti kroz osnivanje vijeća mladih*. Sastanku su prisustvovali predstavnici GAP-a, gosp. Zlatan Musić i gosp. Admir Vranić, te predstavnici/e KULTA.

Napravljeni su prvi koraci prema budućoj saradnji Instituta za razvoj mladih KULT i GAP-a. Predstavnici GAP-a su izrazili želju za saradnjom u Projektu, čime će brojna omladinska udruženja, kao i općine u kojima djeluje, dobiti priliku da se kroz stjecanja novih znanja i vještina, te formiranja vijeća mladih, uključe u procese odlučivanja.

Pripreme za provođenje male akcije u Općini Voogošća

U Omladinskom centru Future polaznici/e obuke UMID općine Vogošća pripremaju se za provođenje druge male akcije. Mala akcija *Više cvijeća, manje smeća* odnosi se na informiranje mladih u lokalnoj zajednici o važnosti očuvanja okoliša, kao i animiranja mladih da sami učestvuju u akcijama čišćenja i očuvanja njihove životne sredine.

Aktiviraj se! u Doboju

Polaznici/e UMID-a u Opštini Doboj uspješno su proveli malu akciju pod nazivom *Aktiviraj se!* Mala akcija se odnosila na uključivanje mladih u društvene aktivnosti, s ciljem poboljšanja uvjeta života u lokalnoj zajednici. U okviru male akcije održana je i dvodnevna radionica o temi *Javno zagovaranje*. Radionici su prisustvovali predstavnici/e Savjeta učenika srednjih škola iz Opštine Doboj.

KOŠNICA, pčelice i put u Keln

Dobitnice nagrada na osnovu ispunjenog upitnika KOŠICE bile su zasigurno najsretnije učesnice projekta jačanja mladih liderki u omladinskim organizacijama. U oktobru prošle godine sve djevojke, sa još dvije prijateljice koje nisu uključene u KOŠNICU, ispunjavale su online upitnik. Dobitnice su izabrane slučajnim odabirom iz baze ispunjenih upitnika, a sreću su imale pčelice iz Istočne Ilidže, Prijedora i Šipova. Od 5. do 11. septembra 18 izabranih polaznica su u posjeti omladinskim centrima i organizacijama koje se bave radom s mladima i ženama, u njemačkom gradu Keln. Studijsko putovanje će svakako pomoći djevojkama da znanjem i vještinama stečenim kroz dosadašnji rad doprinesu ravnopravnosti spolova u Bosni i Hercegovini, a posebno u procesu formiranja mreže za ravnopravnost spolova.





SARAJEVSKI OTVORENI CENTAR
Tina Ujevića 19/1, 71 000 Sarajevo
Tel./fax: 033 219 797
E-mail: office@soc.ba
Web: www.soc.ba

Programi Sarajevskog otvorenog centra u SEPTEMBAR 2011.

Sedmica holandskog filma, Organizator: Fondacija Kriterion Sarajevo, u saradnji sa Sarajevskim otvorenim centrom i Ambasadom Nizozemske

• MOSTAR

Highlights of the Lowlands, 05-10.09.2011, 20.20h, OKC Abrašević, Alekse Šantića 25

• ZVORNIK

Highlights of the Lowlands, program nizozemskog filma, 05-10.09.2011, 20.00h, Dom Omladine, Kralja Petra I Karađorđevića bb

- 05.09.2011, 20.00h, **The Master and His Pupil/Maestro i učenici**, dokumentarni film, režija: Sonia Herman Dolz, 2003, 85 min.
- 06.09.2011, 20.00h, **El Olvido/Zaborav**, dokumentarni film režija: Heddy Honigmann, 2008, 93 min.
- 07.09.2011, 20.00h, **The Player/Igrač**, dokumentarni film, režija: John Appel, 2009, 85 min.
- 08.09.2011, 20.00h, **Joy/Radost**, drama, režija: Mijke de Jong, 2010, 85 min.
- 09.09.2011, 20.00h, **Nothing Personal/Ništa lično**, drama, režija: Urszula Antoniak, 2009, 85 min.
- 10.09.2011, 20.00h, **Win/win / Ne možeš da izgubiš**, drama, režija: Jaap van Heusden, 2010, 90

• BIHAĆ

Highlights of the Lowlands, program nizozemskog filma, 12-17.09.2011, 20.00h, Kulturni centar, 502. Viteške brigade bb

- 12.09.2011, 20.00h, **The Master and His Pupil/Maestro i učenici**
- 13.09.2011, 20.00h, **El Olvido/Zaborav**
- 14.09.2011, 20.00h, **The Player/Igrač**
- 15.09.2011, 20.00h, **Joy/Radost**
- 16.09.2011, 20.00h, **Nothing Personal/Ništa lično**
- 17.09.2011, 20.00h, **Win/win / Ne možeš da izgubiš**

• SARAJEVO

Sedmica slovenačkog filma u organizaciji Sarajevskog otvorenog centra i Slovenačke ambasade u BiH, **24.- 27. septembar 2011., Art Kino Kriterion, Obala Kulina bana 2**

- 24. 9. 2011. 20:20h, **Piran - Pirano**, igrani film, Reditej: Goran Vojnović, Slovenija, 2010, 101 min
- 25. 9. 2011. 20:20h, **Otac**, igrani film, reditej: Vlado Škafar, Slovenija, 2010, 71 min
- 26. 9. 2011. 20:20h, **Pijetlov doručak**, igrani film, reditej: Marko Naberšnik, Slovenija 2007, 125 min
- 27. 9. 2011. 20:20h, Strijeljanje u Bazovici, dokumentarno-igrani film, Reditej: Tugo Štiglic, Slovenija, 2011, 53 min

• SARAJEVO, MOSTAR i BANJA LUKA

Filmski ciklus Sex, Pop and Politics, Organizator: Sarajevski otvoreni centar i Fondacija Heinrich Böll, u saradnji sa Fondacijom Kriterion, Gradskim pozorištem Jazavac i OKC Abrašević

Filmovi koji propituju heteronormativnost

Prvi put, 4 kratka filma

- **Doručak**
Reditej: Alexander Pfeuffer, 2002, Njemačka, 15 min.
 - **Prijatelj**
Reditej: Jan Kruger, 2001, Njemačka, 21 min
 - **Ljetna haljina**
Reditej: Francois Ozon, 1996, Francuska, 15 min
 - **Hormoni i drugi demoni**
Reditejljica: Sara Johnsen, 2000, Norveška, 26 min
- 20. 09. 2011, 20:20 sati, SARAJEVO, Art Kino Kriterion, Obala Kulina bana 2
- 21. 09. 2011, 20 sati, MOSTAR, OKC Abrašević, Alekse Šantića 25
- 30. 09. 2011, 20 sati, BANJA LUKA, Gradsko pozorište Jazavac, Carice Milice 9

• SARAJEVO

Evropski rezidencijalni program za književnike i književne prevoditelje 2011. - 2012. Sarajevo

31.8.- 30.09. 2011.

Od 31. augusta. do 30. septembra 2011. u Sarajevu će boraviti rumunski autor Vasile Ernu, gdje će raditi na svojoj novoj knjizi i svoj književni rad predstaviti sarajevskoj publici. Evropski rezidencijalni program za književnike i književne prevoditelje projekt je Sarajevskog otvorenog centra i književne mreže Traduki.

NOVI ČLANOVI

OMLADINSKI ŠAHOVSKI KLUB „DOBOJ ISTOK“

Klokotnica bb, 74 207 Dobojević - Istok

Tel.: 035 720 135; 061 804 939

E-mail: osk_dobojistok@hotmail.com

GLAVNI PROGRAMSKI CILJEVI:

Podsticanje, razumjevanje i usvajanje etičkih vrijednosti, pravednosti, samopoštovanja i poštivanja drugih, učenje toleranciji i odgovornosti kroz bavljenje šahom, kao dio odgojnih funkcija.

KRATAK ISTORIJSKI ORGANIZACIJE:

Omladinski Šahovski klub Dobojević-istok je relativno mlad klub, budući da je tek nedavno registrovan. Trenutno su u proceduri prijedlozi projekata;

- Ministarstvo obrazovanja nauke kulture i sporta TK - raspodjela sredstava iz oblasti tjelesne kulture i sporta po Javnom pozivu TK od 10.06.2011 godine
- Federalno Ministarstvo Kulture i sporta – raspodjela sredstava ostvarena prodajom lutrije BiH u 2010. godine po Javnom pozivu od 30.06.2011. godine
- Federalno Ministarstvo Kulture i sporta – u skladu sa programom utroška sredstava sa kriterijima tekućih transfera izvršeni u budžetu FBiH za 2011 godinu po Javnom pozivu od 11.07.2011. godine.
- D.D BH TELECOM - Po Javnom pozivu za dodjelu donacija u 2011. godini, objavljen, 12.07. 2011. godine.

KONTAKT OSOBE: Mustafa Bećirović, predsjednik i Samir Babić, koordinator-sekretar

OMLADINSKA ORGANIZACIJA „OCER“ ŠEKOVIĆI

Janka Bašića bb, 75 450 Šekovići

Tel: 066 265 604

E-mail: davorin.ocem@yahoo.com

GLAVNI PROGRAMSKI CILJEVI:

Ova organizacija ima širok spektar programskih ciljeva navedeni statutom, neki od njih su:

- Zastupanje interesa i prava omladine;
- Podsticanje sistematskog unapređenja i razvoja omladinskog organizovanja uz aktivno učestvovanje omladine;
- U oblasti eko sistema i zaštite životne sredine, zalagaće se na očuvanju prirodnih ljepota unapređivanju i izgradnji prirodnih sadržaja, kulturnih baština i kulturnih nasleđa, održavanju čistoće u naseljenim mjestima, uređivanju i održavanju javnih površina, rijeka i uopšte životne sredine na području opštine a posebno njenom gradskom dijelu, na tom planu ostvariće stalnu saradnju sa resornim, opštinskim i državnim organima i drugim relevantnim subjektima, te utvrđivati i predlagati konkretna rješenja i programe, iniciraće njihovu realizaciju a i sam ih provoditi.
- Agro poljoprivreda, stočarstvo i turizam...

KRATAK ISTORIJSKI ORGANIZACIJE:

Ova novoosnovana organizacija ima u planu dosta korisnih predloga i projekata, a trenutno radi na svom prvom projektu, uređenje basket terena.

KONTAKT OSOBE: Davorin Čvorić - predsjednik i Snežana Melezović - podpredsjednik



UDRUŽENJE MLADIH „UJEDINJENJE - CONVENTUS“ BOSANSKA KRUPA

Patriotske lige bb, Bosanska Krupa

Tel: 061 600 342

E-mail: umbk@mail.com; sabahudin.dizdarevic@hotmail.com

Obzirom da je organizacija registrovana 31.05.2011. i da smo na samom početku zadovoljni smo uspjehom koji smo postigli u zadnja tri mjeseca. Radili smo na klipu „Aktivni mladi Bosanska Krupa“ kojim smo pokazali koje su želje mladih u Bosanskoj Krupi, inicirali formiranje lokalnog omladinskog vijeća Bosanska Krupa, radimo na izradi Strategije za mlade Općina Bos.Krupa 2012. – 2015. u partnerstvu sa općinom. Udruženje broji 30 članova, od kojih je većina fakultetski obrazovana ili studira. Planovi su mnogobrojni, ali neki od prioriteta su info centar za mlade i promocija volonterizma.

CILJEVI UDRUŽENJA SU:

1. Aktivan rad na poboljšanju standarda života mladih;
2. Aktivno učešće mladih u javnom životu i izgradnja civilnog društva;
3. Provođenje programa djelovanja za mlade omladinskog sektora BiH;
4. Promocija volonterizma;
5. Promocija omladinskog turizma;
6. Povezivanje i saradnja sa omladinskim organizacijama regije, Evrope i svijeta;
7. Pokretanje inicijativa za rješavanje problema mladih;
8. Održavanje i stvaranje pozitivnih životnih uvjeta za mlade, kao i okruženje koje je ugodno za mlade;
9. Izgradnja i jačanje saradnje sa vlastima na svim nivoima;

DJELATNOSTI UDRUŽENJA SU:

1. Organiziranje volonterskih aktivnosti;
2. Organiziranje radionica, kampova i sličnih sadržaja za edukaciju i druženje mladih;
3. Savjetovanje i pružanje pomoći mladima;
4. Štampanje biltena, letaka, plakata, magazina i sl., u cilju informisanja i unapređenja znanja mladih;
5. Organiziranje okruglih stolova, predavanja, seminara i sličnih edukativnih sadržaja za mlade;
6. Organiziranje manifestacija, izleta, akcija u smislu promocije omladinskog turizma i aktivizma;
7. Pisanje, priprema i implementacija projekata koji se tiču problematike mladih;

Udruženje već tri mjeseca aktivno radi na poboljšanju životnih uslova za mlade na području općine Bosanska Krupa. Angažiranost i uključenost mladih ljudi u lokalnoj zajednici je prioritet. Misija organizacije je Aktivni mladi Bosanska Krupa. U tri mjeseca postojanja organizacija je uspostavila zadovoljavajuću komunikaciju sa lokalnim vlastima. Uspjeli smo dobiti prostorije koje nastojimo srediti jer su u lošem stanju.

Želja i volja za rad u udruženju je velika, otvoreni smo za svaki vid saradnje i partnerstva.

<http://www.youtube.com/watch?v=d1cJBbo-8-U>

Na linku možete vidjeti video-klip koji smo snimali da bi pokazali vlastima koje su želje mladih u općini Bosanska Krupa.

INFORMACIJE/POZIVI/SEMINARI



U svim zemljama svijeta 16. septembar obilježava se kao međunarodni Dan zaštite ozonskog omotača. Odlukom Ujedinjenih naroda od 19. septembra 1994. godine, a s ciljem naglašavanja važnosti sprovođenja Montrealskog protokola o tvarima koje uništavaju ozonski sloj, 16. septembar je proglašen međunarodnim Danom zaštite ozonskog omotača.

Fondacija za obrazovanje, nauku, kulturu i sport „ISKRA ZNANJA“ planira u saradnju sa MINISTARSTVOM VANJSKE TRGOVINE I EKONOMSKIH ODNOSA BIH, Ozonskom jedinicom BiH i Organizacijom za Industrijski Razvoj Ujedinjenih Nacija (The United Nations Industrial Development Organization) UNIDO, obilježiti:

MEĐUNARODNI DAN ZAŠTITE OZONSKOG OMOTAČA 16. SEPTEMBRA 2011.

Više informacija: www.iskraznanja.org

Svako može doprinijeti zaštiti ozonskog sloja, jer on je branilac naše planete. Želimo da se što više srednjoškolaca sa cijele teritorije BiH prijavi na on-line test, kako bi se povećala svijest o problemu i aktueliziralo ovo pitanje. Svako ko želi može se prijaviti on-line rješavati test na stranic www.iskraznanja.org, treba samo kliknuti na ikonu:



Imena onih sa najviše tačnih odgovora i najkreativnijih prijedloga biće objavljena na našoj internet stranici, stranici MINISTARSTVA VANJSKE TRGOVINE I EKONOMSKIH ODNOSA BIH-OZONSKE JEDINE BIH. Oni će biti dobitnici i novčanih nagrada.



Aziza Skoko
Adresa: Terezije b.b
Tel: 033 464 161, fax: 033 922 734, mob: 061 047 026
E - mail: info@iskraznanja.org



Projekt Izaberimo mir zajedno (Choosing Peace Together - CPT) koji zajednički sprovode CRS i Caritas Bk BiH uz podršku USAID-a poziva mlade lidere/ice koji/e rade u zajednicama pogođenim sukobom da se prijave za sudjelovanje u "Maloj školi izgradnje mira".

CPT se fokusira na stvaranje pozitivnijeg stava prema pomirenju na lokalnoj razini. Ciljne skupine projekta su dvije međusobno ojačavajuće grupe: pojedinci koji mogu koristiti svoj uticaj na aktivno promicanje ozdravljenja i pomirenja, te institucije koje mogu pružiti vođstvo, prostor i potrebnu podršku njihovih struktura za pomirenje. Pristup se temelji na ideji da jednom kad se pojedinci pomire s posljedicama sukoba na njihove živote, oni postaju puno učinkovitiji nosioci mira u svojim zajednicama.

Inicijativa kao cilj ima stvaranje mladih ambasadora mira, a kombinira mirovnu edukaciju, učenje na daljinu i inicijative na terenu koju podržava CPT projekt, a koji će se provoditi do januara/siječnja 2012. godine. Ova inicijativa potiče i podržava mlade ljude u aktivnostima koje pridonose izgradnji mira - živjeti zajedno sa pravdom, dostojanstvom i dijalogom.

Mreža za izgradnju mira

Mala škola izgradnje mira se organizira uz podršku Mreže za izgradnju mira. Mreža za izgradnju mira je osnovana u februaru/veljači 2010. godine, i trenutno se sastoji od 63 lokalne i međunarodne organizacije koje rade na čitavoj teritoriji Bosne i Hercegovine.

Što želimo i što je potrebno za cijelu državu je sveobuhvatan napor usmjeren ka obnovi kvalitete društvenog i ekonomskog života u BiH, kao i ka dugoročnom povećanju sposobnosti cijelog bh društva da se ophodi s različitostima i sukobima na konstruktivan i nenasilan način, na taj način stvarajući okvir za zajedničko, koordinirano djelovanje niza nevladinih organizacija, lokalne uprave i samouprave, poslovnog sektora, medija i državnih institucija.

Naš cilj u radu je uticaj i konkretne inicijative vezane uz slijedeća područja javnih politika koje su prepoznate kao ključne za dugoročnu izgradnju mira u BiH:

1. Obrazovanje,
2. Sigurnost,
3. Regionalni razvoj,
4. Zaštita i promocija ljudskih i manjinskih prava,
5. Suočavanje s prošlošću i tranziciona pravda,
6. Rodna ravnopravnost,
7. Kultura javnog dijaloga i demokratije,
8. Jačanje kapaciteta civilnog društva za izgradnju istinskog mira,
9. Vraćanje povjerenja među BiH narodima,
10. Konstruktivnije djelovanje na vladajuće političke strukture u BiH, i
11. Unaprijeđenje suživota u BiH.

Više informacija o mreži za o izgradnju mira je dostupno na web-strani, gdje će biti postavljen i forum za učesnike/ce škole:

www.mreza-mira.net

Glavni ciljevi ove inicijative su:

- promicati nazočnost i ulogu mladih ljudi kao pozitivnih aktera promjena u procesima izgradnje mira;
- jačati ulogu mladih pri identificiranju i protestiranju protiv kršenja ljudskih prava, uključujući diskriminaciju, govore mržnje i kršenja ljudskih prava, a osobito onih koji utječu na mlade i djecu;
- podržati prisustvo aktivnosti projekta CPT na terenu, jačati suradnju sa ključnim zainteresiranim stranama, partnerima, i nevladinim organizacijama koje djeluju u oblasti izgradnje mira u cilju promicanja vrijednosti CPT projekta;
- razviti uticaj i stručnost omladinskog sektora u sukobom pogođenim područjima kroz neformalne aktivnosti obrazovanja mladih;
- razviti sposobnosti 40 aktivista/ica u promicanju i zaštiti ljudskih prava, transformaciji konflikta, izgradnji mira i interkulturalnog dijaloga, kao i drugih specifičnih kompetencija prema potrebama sudionika/ca u odnosu na njihovu ulogu;
- ojačati sposobnost aktivista/ica u poduzimanju mjera na lokalnoj razini u sredinama pogođenima sukobom;
- unaprijediti ulogu politike izgradnje mira i transformacije sukoba;
- stvariti i podržati nacionalnu mrežu aktivista/ica kako bi osigurali održivost i uticaj projekta.

Potencijani sudionici/e trebaju zadovoljiti sljedeće kriterije

- biti u dobi između 18 i 30 godina (iznimke mogu biti napravljene uz opravdanje);
- po mogućnosti biti uključeni/e u organizaciju ili mrežu (mirovnog fokusa ili ne), instituciju, formalnu i/ili neformalnu grupu koja je spremna da ih podrži za vrijeme trajanja projekta;
- biti dostupni/e i potpuno predani/e te sudjelovati u svim fazama škole, uključujući u prosjeku sedam sati sedmično online rada u okviru online kurseva;
- posjedovati osnovnu računalnu i internetsku pismenost te biti predani daljnjem razvoju ove kompetencije;
- biti aktivno uključeni/e u projekte mira i društvenih promjena sa uticajem u zajednici i biti motivirani/e za provedbu aktivnosti mladih za izgradnju mira unutar okvira inicijative;
- biti motivirani/e za učenje i primjenu CPT vrijednosti te pristupa izgradnji mira, posebice ljudskih prava, demokratije i dijaloga;
- biti predani/e i promicati mir i raditi na transformaciji sukoba kroz inicijativu i projekte koji uključuju angažman mladih ljudi;
- posjedovati osjećaj odgovornosti za vlastite postupke i posvećenost osobnom razvoju i razvoju zajednice;
- biti znatiželjni/e, otvoreni i cijeniti različitosti.

Prijava, postupak i odabir sudionika

Svi kandidati/kinje moraju se prijaviti elektronskim putem (e-mailom), sa ispunjenim obrascem za prijavu. Prijave moraju biti dostavljene do 15. septembra/rujna 2011. godine. Ako je sudionik/ica dio organizacije, treba odvojeno poslati i pismo podrške putem e-maila, faksom ili poštom kojim izražavaju podršku sudioniku/ci.

Do četrdeset sudionika/ca biti će odabrano za Malu školu izgradnje mira. Odabir će se izvršiti na osnovu aplikacione forme. Proces izbora također će uzeti u obzir ravnotežu među spolovima, geografskim regijama, različitim vrstama iskustava, kulturnim sredinama i organizacijama, institucijama i projektima.

Kranji rok za prijave

Obrazac za prijavu mora biti dostavljen sa pismom podrške ako postoji, do **četvrtka, 15. septembra/rujna 2011. godine**. Odabrani/e učesnici/e će biti obavješteni najkasnije do ponedjeljka 19. septembra/rujna.

Radni jezik škole i svih aktivnosti biti će B/H/S jezik.

Troškovi škole: Učešće na školi je besplatno.



A-1080 Wien, Lederergasse 23/3/27

Tel./Fax: 01/408 53 32

E-mail: office@versoehnungsbund.at

www.versoehnungsbund.at

PSK, BLZ 60000

Konto-Nr. 92 022 553

Saopštenje za javnost / Poziv

U petak, 2. septembra 2011, u 9.00h na Albertina trgu u Beču počinje “Put Mira biciklima”, projekat organizovan od strane Međunarodnog Društva Pomirenja. Na dan odlaska biće prisutni Bosanski ambasador u Austriji, kao i predstavnici austrijskih i međunarodnih organizacija.

Put Mira na biciklima počinje iz Beča prema Banja Luci, a odatle dvije cijele nedelje sirom Bosne i Hercegovine, uključujući i Jajce, Mostar, Srebrenicu i Tuzlu. Na raznim mjestima duž ove putanje planirani su sastanci sa političkim i vjerskim predstavnicima, sa mirovnim, mladim i ekološkim grupama, i naravno sa ljudima koji posle 16 godina nakon završetka rata još uvijek žive u teškoj situaciji. Kao zaključak ovog putovanja planirano je učešće na događajima Međunarodnog Dana Mira Ujedinjenih Nacija u Sarajevu 21. septembra.

18 učesnika između 20-70 godina iz cijele Austrije žele, prije svega, da sa ovom nenasilnom akcijom saznaju više o situaciji i lokalnim inicijativama za miran suživot u Bosni i Hercegovini. Pored toga “Put Mira na biciklima” bi trebao da doprinese produbljivanju kontakata između ljudi iz Bosne i Hercegovine i Austrije u jednom evropskom kontekstu i da istakne i podrži mnogo pozitivnih inicijativa u regionu. Učesnici projekta žele svojim primjerom pokazati da mir, pomirenje i održiv život počinje sa malim ali bitnim koracima, gdje svi mi možemo dati svoj doprinos.

Međunarodno Društvo Pomirenje je osnovano za vrijeme Prvog Svjetskog rata, i od tada osporava rat i sve oblike nasilja, da bi doprinijelo jednom nenasilnom rješavanju konflikata na svim nivoima. Njegovim članovima pripadaju dobitnici Nobelovih nagrada za mir, od kojih je najpoznatiji bio Martina Lutera King. U mnogim zemljama sirom svijeta, Međunarodno Društvo Pomirenje je doprinijelo prevazilaženju nasilne diktature, demilitarizacije i razoružanja, i uvođenju civilne službe i mira. Austrijski ogranak Društvo Pomirenje će omogućiti obuku za aktivno nenasilje i podržati nenasilnim inicijative u Kolumbiji, Izraelu i Palestini i zapadnom Balkanu. Od početka ratova u bivšoj Jugoslaviji Međunarodno Društvo Pomirenja je bilo uključeno u primjenu nekih 120 austrijskih mirovnih službenika u regionu i radi zajedno sa Centrom za nenasilnu akciju u Beogradu i Sarajevu.

Dragi prijatelji,

Ukoliko ste zainteresovani da se u mjesečnom informativnom biltenu Omladinskog Resursnog Centra (ORC) Tuzla i Omladinske mreže Bosne i Hercegovine objave: vaši pozivi za zajedničke aktivnosti i saradnju, informacije o aktivnosti, konkursi za radna mjesta, apeli za pomoć ili podršku, saopštenja za javnost i svi drugi nekomercijalni oglasi, možete se javiti na jednu od dole navedenih adresa.

Rok za dostavljanje informacija za svako naredno izdanje je 30.-ti u mjesecu.

WEB Stranica Mreže:

sCh design
Webmaster:

Emir Delalić-Zeko - Tuzla
emir.delalic@gmail.com

web: www.omladina-bih.net
mejling lista Mreže:
posta@omladina-bih.net

Adrese za slanje vaših informacija za mjesečni bilten:
hcatuzla@bih.net.ba; orctuzla@bih.net.ba
fax: 035 258 077

hCa Tuzla
Hadži Bakirbega Tuzlića 1,
75000 Tuzla
tel / fax: 035 258 077
e-mail: orctuzla@bih.net.ba
hcatuzla@bih.net.ba

Mjesečni bilten uređuje Omladinski resursni centar - ORC Tuzla